

興慈法師述

二課  
合解

淨願寺  
以供養出家法師為主  
印贈

訂重

二課合解

吳尊法師述

王震書



贈送處：淨願寺

本寺址：台中市北屯區水湳雷中街八一巷八號

電話：(〇四) 二九二五八一二號

本寺劃撥帳號：二〇〇一三九〇九

戶名：林粉

印刷：大越美術印刷廠

地址：台中市南門明德街四十號

電話：(〇四) 二八七七一一



# 印造佛經佛像之十大利益

- 一、從前所作種種罪過，輕者立即消滅，重者亦得轉輕。
  - 二、常得吉神擁護，一切瘟疫、水火、寇盜、刀兵、牢獄之災。悉皆不受。
  - 三、夙生怨對，咸蒙法益，而得解脫，永免尋仇報復之苦。
  - 四、夜叉惡鬼，不能侵犯，毒蛇餓虎，不能爲害。
  - 五、心得安慰，日無險事，夜無惡夢。顏色光澤。氣力充盛，所作吉利。
  - 六、至心奉法，雖無希求，自然衣食豐足，家庭和睦，福壽綿長。
  - 七、所言所行，人天歡喜，任到何方，常爲多衆傾誠愛戴，恭敬禮拜。
  - 八、愚者轉智，病者轉健，困者轉亨。爲婦女者，報謝之日，捷轉男身。
  - 九、永離惡道，受生善道。相貌端正，天資超越，福祿殊勝。
  - 十、能爲一切衆生，種植善根。以衆生心，作大福田，獲無量勝果。所生之處，常得見佛聞法。直至三慧宏開，六通親證，速得成佛。
- 印造經像，既有如此殊勝功德，故凡遇○祝壽○賀喜○免災○祈求○懺悔○薦拔之時，皆宜歡喜施捨，努力行之。

（以上節錄印光大師文鈔卷四印造像之功德一文）。

## 二課合解會本序

二課合解會本者。台宗觀月法師之所作述也。靜虛氏曰。為此解者其知道乎。夫心本真空。由不覺故而變頑空。頑空而立世界。世界而生萬物。萬物生則人心趣之著之。勃然執之有我。自有我而一切諸法無一無我。層層惑障緣我而生。種種現象由我而幻。此自無而有之境界然也。反是以觀我即人也。我即物也。我即世界也。頑空也。充類而返。求之以至於真空。固知無所謂我也。無所謂我而我自知之。則我猶未脫乎生老病死之我。不過如莊子所謂夢中覺夢者焉。此自有而無之境界然也。自無而有。則去道日遠。自有而無。則與道日近。去道日遠者。猶南轅而北其轍也。不可無法以止之。與道日近者。猶蒸水而化為汽也。不可無法以收之。法者維何。曰早暮二課是已。有早課而自無而有之境界以息。有暮課而自有而無之境界以消。消乎息乎其斯之謂道乎。是道也。非道也。非道而亦無朝夕可離者。以其為入道之道也。入道之道。非解不明。若涉大水。雖有慈航而無楫櫂。其能免望洋之歎乎。若返故國。

雖有桀車而無指南。其能免失路之悲乎。自合解出。而二課之奧義。了了無遺蘊。雖中下根人亦易通曉。只須禮拜功深。誦持圓滿。幻境自然息。妄心自然消。一塵不染。觀明鏡之非臺。萬象皆空。識菩提之非樹。道其在是乎。其不在是乎。予愚烏足以知之。然心所確然而無疑者。二課之解也。明乎二課之解。則知二課之解非解二課也。解入道之道也。道不可解。而入道之道不可以不解。此法師作述之苦心也。世有問津斯道者。其必自入道之道入也無疑。欲自入道之道入。尤必自法師所解之入道之道入也無疑。故知法師所解之入道之道在是。即非法師所解之入道之道亦在是。以非法師所解之入道之道在是故。故知非法師所解之入道之道。與非法師所解之入道之道。道亦無不在。道無往而不在。法師其知此旨矣。予是以寂然有所感。洞然有所思。若不自覺智力行能之淺薄。而貿貿焉序之。并論法門之消息。以俟後之有道者。時癸丑仲冬之月十有六日也。

沃洲靜虛氏俞恆撰

# 校訂二課合解序

台宗觀月法師曷故作此解哉。思夫空劫以前佛字尚無。何有於課。課字尚無。何有於解。無課無解。則內無能度。外無所度。能所既無。則一切俱無。一切既無。則無無亦無。無無既無。則現出威音那畔境界。般若所謂無餘涅槃者此也。容詎知一念不覺。遂於無無之中生出諸有。既有諸有。則為諸有所結。是以人天有見思結。二乘有塵沙結。菩薩有無明結。既有結矣。不可無法以解之。此二課合解所由作也。或問。何所取名為合解。曰。譬如長者年邁子幼。恐難繼業。因囑善知識云。吾老矣。如家業何。當吾終後。善撫幼子。囑後命終。知識受命。將所藏明珠納幼子衣襖中。眷念殷殷。不忍暫離。嗣知識遇緣他適。幼子無知。誤聽癡僮。將衣襖一結二結。乃至百千結。已而遠遊。日久金盡。幾無聊生。時知識歸。聞子遠遊。尋徧四方。久無消息。後於四衢道中遇之。悲喜交集。即解一結二結。乃至百千結。舉明珠示曰。此寶中王。雨一切寶。取之不盡。用之不竭。奚飢渴為。今二課其明珠乎。合解其善知識乎。顏曰。二課合解。正法華



解衣珠之義也。余見法師註解。言言玉屑。不傍他求。句句金針。皆自己出。殆所謂解結妙手者非乎。余鈍甚。格格不入。幸命校閱。不過全海中沾其一滴。然一滴與全海亦無少異。故師恩雖不能報其萬一。正可誌作解緣起以為序云。

普觀歸狀... 三比丘炳道謹撰

善緣... 願... 慈... 發... 無... 無... 台...

對信一馬合解

# 重訂二課合解緣起

大造鴻恢。不嫌一物。真慈普遍。不棄微靈。一物不嫌。則羣象畢具。微靈不棄。則法界咸歸。法界咸歸。則彼彼眾德莊嚴各現乎己。猶羣象豔乎天地中也。是以如來設教。竺乾十方普濟。祖道傳心震旦。四海同沾。我佛既開宏範於祇園。古哲亦定課程於朝暮。朝暮不軌。猶良馬無韁。何以消信施而建大道哉。故呪誦楞嚴。欲無不上。章諷諸祕。困悉堪求。彌陀矢志往生。懺悔消其夙障。蒙山施食。般若蕩情。凡此課文終向淨土而為歸極。足見尋方脫俗。不是過也。第以聖典玄微。非解莫入。余昔講二課於天台幽溪。苦無全注。學者莫捫其妙。雖彌陀心經。解者林立。餘尚未彰。後閱日課便蒙。雖全而略。愚不揣拙陋而輯集焉。彌陀心經大懺悔等。乃古佳作。楞嚴十呪蒙山回向祝讚等。咸係愚述。既成全帙。目為二課合解會本。募資石印千部。給之索之。數月盡矣。後擬重梓。復恐愚古相參。彩素難比。由是崇古演新。重輯全注。間有難明者。復依義立圖。俾若指掌。既成全璧。更名重訂二課合解。補前解之未及。抑發前賢所

未發也。唯冀來者。觀義得玄。盡除惑障。行起解絕。徧入毘盧。法界依正。同圓種智云爾。

時在

民國辛酉仲春之月

佛涅槃日天台山觀月比丘興慈撰

天台山觀月比丘興慈撰

重信二課合解

附 七 種 禮 拜

一 我 慢 禮

依自位次、以無恭敬、心馳外境、五輪不具、如碓上下、

二 唱 和 禮

粗正威儀、心無靜想、見人則身輕急禮、人去則身惰心疲、或心散唱和而已、

三 身 心 恭 敬 禮

聞唱佛名便念佛想、身心恭敬精進無怠、

四 發 智 流 淨 禮

達佛境界、隨心現量、禮一佛則禮一切佛、禮一拜則禮法界、以佛法身融通故

五 徧 入 法 界 禮

自觀身心等法、從本以來不離法界、生佛平等、今禮一佛、即徧禮法界諸佛、

六 正 觀 禮

禮自佛、不緣他佛、以一切衆生、本來各具圓滿佛性平等真覺、

七 實 相 平 等 禮

前六禮、有禮有觀、自他兩異、今一禮、無自無他、凡聖一如、體用不二、故文殊云、能禮所禮性空寂、

理

事

▲大方廣寶篋經 智燈聲聞問文殊言、云何禮佛、文殊言、若見法淨、名見佛淨、若身若心、不低不昂、正直而住、不動不搖、其心寂靜、行寂靜行、是名禮佛、

▲華嚴孔目 三種禮佛、一、成過禮、謂禮佛時、身儀不正、與輕慢相應、如碓上下、佛制有過、二、相似禮、謂禮佛時、身儀雖似端正、與雜覺相應故、三、順實禮、謂禮佛時、身儀端正、與正智相應、隨順實禮故、

▲華嚴隨疏演義 凡禮敬三寶、必須五體投地、所以折伏憍慢、用表虔誠故、一、右膝、二、左膝、三、右手、四、左手、五、首頂、一、願我右膝著地時、令諸衆生、得正覺道、二、願我左膝著地時、令諸衆生、於外道法不起邪見、悉得安立正覺道中、三、願我右手著地時、猶如世尊坐金剛座、地震現瑞、證大菩提、四、願我左手著地時、令諸衆生、遠離外道難調伏者、以四攝法、而攝取之、令入正道、五、願我首頂著地時、令諸衆生、離憍慢心、悉得成就無上菩提、

▲西域記 致敬之式、其儀九等、一、發言慰問、二、俯首示敬、三、舉手高揖、四、掌平拱、五、屈膝、六、長跪、七、膝跪地、八、五輪俱屈、九、五體投地、凡斯九等、極一拜跪而贊德、謂之盡敬、

# 二課合解目次

## 卷首

序 靜虛氏舊序 一三序 自序緣起

世界圖 五圖并說

## 卷一

示要 又早課繪貫 暮課繪貫

楞嚴咒 又大悲咒 十咒

## 卷二

心經 又回向偈

## 卷三

彌陀經

## 卷四

二課合解 卷首 目次

大懺悔

卷五

蒙山施食

又起念佛讚偈

卷六

早暮回向文

大慈菩薩願偈 慈雲淨土文  
怡山文 普賢十願 三自皈

卷七

祝讚祈禱儀


祝韋馱 祝伽藍 祝祖師  
祝監齋 又香讚

二時供養儀

又二時出食偈 結齋偈

二課合解目次

# 四大部洲須彌諸山




二課合解 卷首 華藏一圖并說

此第一圖是一須彌第一  
 四洲之小世界也。須彌  
 二、如柱獨立。上下俱大  
 山、如山頂小、如腰鼓、  
 而山更相間圍繞須彌  
 外、次有七金山、七香水  
 海、次有七重城、即大鹹  
 如七山、外、即大鹹水海  
 第七、山、外、即大鹹水海  
 一、大洲、四方、東、勝、神  
 洲、南、西、牛、賀、北、西  
 海、日、西、牛、賀、北、西  
 北、洲、俱、盧、洲、每、洲、傍、有、兩  
 中、洲、數、百、小、洲、而、為、眷  
 屬、大、鹹、海、外、四、圍、有、鐵  
 圍、山、大、環、繞、如、外、城、是、名、鐵  
 一、小、世界也。說如何會  
 然、今、地球之說如何會  
 通、日、地、球、北、冰、洋、之、北  
 為、地、軸、所、依、南、山、冰、洋、之  
 北、地、鐵、圍、山、內、山、根、是

一一



諸山諸海四洲形量



二課合解 卷首 華藏一圖并說

南地軸所依、如是則四洲各成一球、環列四方、皆以二山根為地、地球乃軸所依、是則一

小世界則有四球矣、此聊以會通耳。然經乃佛智親見所說、地球乃軸所依、是則一

知、佛智如千日並照、今人如隔牆測影、時刻

雖、毫不爽、安如親見親知者乎、智者詳之。

一二

九重山根 入海皆八 萬由旬諸 海之深亦 然、俱住金 輪之面上、 此海面上 昇欲界六 天并色界 中、一箇初 禪、天上下 合之為一 小世界、即 第二段之 中、